

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiariorvm

**Leuren, Peter**

**Coloniæ Agrippinæ, 1704**

Paragrapghvs IV. De subjecto jurisp. & de iis, qui præsentare possunt.

---

[urn:nbn:de:hbz:466:1-74485](#)

jurisdictione, jure patronatus, & non conjunctive  
& principaliter, citans pro hac distinctione Gemin.  
in c. i. de jure patr. Calderin. Roch. Lamb.

R. Respondeo septimo: ubi agitur de venditione  
aut alia dispositione de jibus universis, verificanda  
est proprietas jurispatr. in transferente, & si agi-  
tur de castro, supponendum, quod annexio jurispatr.  
ad castrum sit clara; alias enim non dat ut hujusmo-  
di transitus per venditionem similemve dis-  
positionem. Lott. l. 1. q. 9. n. 53. & 54. ex Mantic. decisi.  
164. n. 2. Porro deprehenditur, an jurispatr. fuerit re-  
servatum castro vel dignitati, aut e contra singulari  
personae Domini Castris, seu obridentis talem digni-  
tatem, ex formula ipsius dispositionis; an videlicet  
personae vel potius dignitati facta sit concessio.  
Lott. n. 56. ex eodem Mantic. decisi. 150. n. 5. ubi etiam,  
quod censeatur facta adhuc personae, etiamsi post  
nomen proprium adjectum nomen dignitatis;  
cum illa adjectio censeatur potius facta demonstra-  
tionis gratia: quod idem est in dubio; cum istiusmo-  
di concessiones fieri consueverint propter merita,  
qua ratio non cadit in castro vel dignitate. Lott. n.  
57. De cetero ubi non constat de simili titulo domini-  
ni, ad alias conjecturas & presumptions recur-  
rendum; ut si supposito patronatu, Ecclesia sit sit  
intramania arcis vel castri, prae sumitur jurispatr. an-  
nexum ipsi castro, pricipue concorrente observan-  
tia; quia presentationes factae ab eo, tanquam qui  
pro tempore fuit Dominus castris. Lott. n. 58.

Quæstio 68. Quid si ergo contrajuris prohibi-  
tionem vendas jurispatr. eritne venditio  
valida?

R. Respondeo: validam esse censem Suar. cit. l. 4. de  
Simon. c. 57. n. 13 ideo, quod nullibi irritetur ipsi  
jure; ex eo enim, quod in Trid. sess. 25. c. 9. dicatur,  
nullus jurispatr. transferre in alium contra canonicas san-  
ctiones presumat, alsoquin ipso jure patronatu privatus  
existit, non infertur, translationem esse nullam; sed  
esse annullandam: probabilius tamen esse invali-  
dam, & non posse emptorem patronatum retinere,  
sed manere illum penes videntem usque ad sen-  
tentiam declaratoriam criminis, censem Castrop. cit.  
p. 4. n. 12. citans pro hac Garc. p. 5. c. 9. n. 9. Azor. p. 2.  
l. 6. c. 20. q. 8. eo quod patronatus in neminem trans-  
ferri possit, in quem Ecclesia non consenserit; Ec-  
clesia autem translationem simoniacam reprobata,  
eisque omnes translationes irritata, quamvis de pa-  
tio. c. præterea de transactionibus. Idem cum Castrop.  
tenet Corrad. cit. c. 5. n. 46. nisi quod dicat, vendito-  
rem hoc ipso esse privatum patronatu, & Eccle-  
siam effici liberam. Porro licet venditio talis cen-  
seretur simoniaca & nulla respectu ipsius jurispatr.  
deducti principaliter in venditione; valere tamen  
adhuc venditionem, respectu saltem universitatis &  
aliorum sub ea contentorum, & expressionem ju-  
rispatr. rejici, ac si adjectum non fuisset, quemadmo-  
dum plura saepe venduntur, & in uno eorum ven-  
ditio non tenet; tener tamen in aliis. Et quemadmo-  
dum, dum conditio apponitur in erectione benefi-  
cii jure reprobata & rejecta per Episcopum, tamen  
valida manet fundatio beneficii; id inquam  
docet Lamb. p. 2. l. 1. art. 21. n. 1. apud  
Corrad. loc. cit.

\*\*\*\*\*

\*\*\*\*

\*\*\*

## PARAGRAPHVS IV.

De subiecto jurispatr. & de iis  
qui præsentare possunt.

Quæstio 69. An pagano & judæo adificanti vi-  
g. ecclesiam, vel elementi castrum, cui jurispatr.  
annexum est, competere possit jurispatrona-  
tus?

R. Respondeo negativè: cum hoc jus nullus obti-  
nere possit, nisi ab ecclesia fuerit concessum;  
at Ecclesia solis fidelibus id concessum, ut con-  
stat ex c. quicunque 16. q. 7. c. p. 1. m. 1. c. 21. q. 7.  
Castrop. cit. p. 4. n. 19. Azor. p. 2. l. 5. c. 21. q. 7.

Quæstio 70. Num hereticus sit capax jurispatr.

R. Respondeo: ob hoc crimen reddi aliquem hujus  
juris incapacem, etiamsi fuerit fundator Eccle-  
sia. Lott. l. 2. q. 14. n. 18. de hoc plura inferius, ubi de  
ammissione jurispatr.

Quæstio 71. Num jurispatr. competere possit in-  
fanti & pupillo?

I. Respondeo affirmativè: sunt enim capaces le-  
gati & hereditatis; ergo & patronatus her-  
editati annexi. Azor. loc. cit. c. 2. q. 14. Abb. inc.  
de jure patr. n. 5. Feder. de Senis, &c. quos citat & sequit-  
ur Castrop. n. 2. Etsi enim infans ob defectum rationis  
præsentare nequeat, habere tamen potest tu-  
torem, qui id nomine illius faciat; nequaquam au-  
tem procurator vel tutor patronatum obtinet. Ca-  
strop. n. 21. quin & pupillus septeniorum major ipse  
præsentare potest, etsi secus sit de electione compe-  
tentis jure collegii. c. ex eo, ut etiam in præsentatione  
ne competenti jure collegii, & non jure proprio &  
singulari, Castrop. loc. cit. Garc. loc. cit. n. 186. & 189;  
citans alios ad dicens esse sententiam communem  
contra Jo. Nicol. Delphin. l. 2. de jure patr. q. 10. n. 182.  
negantem, pupillum posse præsentare, ex eo, quod  
careat discretione, non possit habere discretionem  
præsentandi idoneum, nisi forte malitia superaret  
seatum. In quod etiam inclinare videtur Coras. p. 4.  
cap. uit. n. 17. dicens sententiam communem propter  
lubricitatem atque pupilli sibi videri dubitabi-  
liorem. Idque etiam absque tutoris vel curatoris  
authoritate; quia nullibi caveretur hanc authorita-  
tem in hac nominatione requiri, sicut neque requi-  
ritur in contrahendis sponsalibus. Azor. loc. cit. Ca-  
strop. n. 20. Garc. loc. cit. n. 196. citans Pavinum de  
potestate capit. sede vac. p. 2. q. 5. n. 5. Rebuff. de nomina-  
tione. q. 17. n. 51. Roch. v. competens q. 4. n. 13. &c. Quod  
tamen omnes dicunt, quod expedit, sitque honestum,  
ut pupillus præsentetur tutore auctore. Sed ne-  
que tutorem ullo modo præsentare posse, nisi de  
voluntate & confessu saltu tacito, v.g. quia sciens  
tutorem præsentasse, non contradixisset, nec præ-  
sentasset alium intra tempus datum ad præsentan-  
dum. Lamb. p. 1. l. 2. q. 4. n. 17. Mohed. Abb. & alii  
apud Garc. n. 192. deque tali scientia pupilli intra  
tempus datum ad præsentandum constare deberet  
Episcopo. Ipsijs pupilli septeniorum majoris, haben-  
tis usum rationis gl. inc. ex eo. de elec. v. suffragium A-  
zor. Roch. Rebuff. Pavin. apud Castrop. n. 21. &  
Garc. n. 191. dicit esse communio rem. Nihilominus

con-

contrarium sibi videri ait Castrop. eò quod tutor propriè detur ad regendam personam pupilli, adeoque & ratione hujus personalis regiminis præsentare poterit. Idem tenet Pirk. n. 18. & Garc. n. 194. dum ait, tutorem posse absolute præsentare, valerè que ejus præsentationem; addunt tamen, nisi pupillus rationis discretione prædictus contradicat, vel ante institutionem alium præsenteret; in quo casu præferendam præsentationem factam à pupillo, eò quod ipse sit Dominus istius juris patr. etiam si præsentasset minus dignum præ alio, quem præsentavit tutor, tenent Pirk. loc. cit. Roch. Rebuff. Pavin. alii que citati supra à Garc. n. 196. vel saltē aequè dignum, ut alii apud Garc. n. 187.

2. De curatore tamen censem Castrop. loc. cit. & Garc. n. 196. eum præsentare non posse, eò quod is, cùm principaliter datus sit pro administratione bonorum minoris, & non personæ, patronatum competentem minori & ejus bonis non annexum administrare non possit, neque ad beneficia virtute illius præsentare.

*Questio 72. Quid hac in parte dicendum de impubere, minore, filio familiæ?*

1. Respondeo primò: & hos capaces esse jurispatronatus, posseque per se ipsos præsentare, dum septennio maiores sunt. Sequitur à potiore ex responsi. ad quest. præc.

2. Respondeo secundò: et si aquum sit ut tales impuberis non præsentent absque tutorum autoritate, eò quod hi dentur ad actiones personarum impuberum regendos, si tamen impubes septennio major præsentavit sine tutoris autoritate, valet præsentatio ab illo facta jure proprio & singulari. Pirk. n. 18. iuxta dicta quest. præc. de pupillo.

3. Respondeo tertio: potest quoque pater præsentare ad beneficia jurispatr. competentis filio, quandiu hic impubes & sub ejus potestate est; quia toto eo tempore persona filii administratio nem habet Castrop. loc. cit. n. 22.

4. Respondeo quartò: ita ad puberem eti minorem 25. annis spectat præsentatio, ut neque tutor, neque pater illius, vi jurispatr. competentis filio valide præsentare possit. Castrop. loc. cit. n. 22. Garc. n. 195. & 299. contra Baëzam & Guttrier. quorum sententiam falsam esse, & non nisi in curatore furioso procedere, afferit Garc. Siquidem in talibus ut publici juris, neque curatoris potestas, neque minoritas attenditur. Garc. n. 196. ex Anchar. cons. 355. & Butrio cons. 30. celstaque post pubertatem filii administratio, & solum in ejus bonis conceditur: quod ad spiritualia autem & dependencia ab iisdem pertinentibus ad filium patria potestas se non extendet, & pater nullo modo se intromittit, & nihil juris habet, & administratio residet penes filium. Garc. n. 197. ex Navar. Castrop. loc. cit. Sed neque pater præsentare potest pro filio tanquam pater & conjuncta persona, etiam cum cautione de rato; tum quia ad præsentandum requiritur speciale mandatum, ut Lamb. p. 1. l. 2. q. 4. art. 17. n. 4. & DD. in c. fin. de concess. præb. tum quia in causa spirituali, qualis est haec, pater vel alia persona conjuncta non admittitur sine mandato, etiam cum cautione, ut Lamb. loc. cit. Abbas in c. nonnulli. de re script. n. 2. nisi ratificatio fieret intra tempus datum ad præsentandam, ut Roch. Pirk. loc. cit. n. 18. Garc. à n. 201. ita ut non sufficeret, quod intra dictum tempus non fiat præsentatio alia, aut contradicatio patroni, nisi constet intra dictum tempus de scientia illius; & hoc, quan-

do pater præsentavit, qui alià est legitimus administrator filii. Garc. n. 205. Nihilominus si patronatus competat filio ob bona adventitia, quorum pater habet usum fructum, posse præsentare patrem, & non posse præsentare filium, tenet Castrop. loc. cit. n. 22.

*Questio 73. An, & qualiter patronatus competens uxori, & hinc potestas præsentandi transcat in maritum, seu participetur ab eo?*

1. Respondeo primò: supponendo tanquam certum, etiam foeminas esse capaces jurispatronatus. c. ult. de concess. præb. Abb. in c. t. n. 3. & c. 25. b. t. Azor. loc. cit. c. 21. q. 10. cum communī. Acquirit enim sibi hoc jus, si quis adificaverit, &c. Ecclesiast. at verbo, si quis, etiam comprehenditur si qua, & masculinum continet foemininum, gloss. in c. general. de elect. in 6. v. universos, nisi subjecta materia aliud suadeat, sic jus patronatus hereditarium etiam transit in foeminas; item relictum consanguineis. Garc. cit. c. 9. n. 145. & 144. ita etiam succedit foemina in jurepatronatus per modum majoratus instituto, ita ut ad anum duntaxat deveniat, nempe primogenitū seu proximiorem, nisi foemina expresse sit exclusa. Garc. n. 145. ex Covar. præt. qq. c. 38. n. 13. Mol. l. 1. c. 1. n. 26.

2. Respondeo secundò: Si patronatus uxoris sic personalis, & bonis ejus non annexus, jura illius non communicantur marito; quia sunt propria uxoris, & ad onera matrimonii præstanta non conductunt. Castrop. loc. cit. n. 27. cum communī.

3. Respondeo tertio: neque jura patronatus competentis uxori ob bona propria ac paraphernalia v.g. per majoratum acquisita, aut ab ea tanquam harede vel consanguinea fundatoris habita per successionem, dum ea marito data non sunt in dotem, communicantur marito, ac proinde vi talis patronatus non potest præsentare, subsidium in necessitate ab ecclesia exigere, aut ulla tenus se intromittere; nisi forte uxor ex urbanitate patiatur maritum simul præsentare. Castrop. ibidem. Pirk. num. 17. Laym. Th. mor. l. 4. tr. 2. c. 13. q. 7. n. 18. Garc. n. 185. citans Molin. de primogenit. l. 1. c. 24. n. 32. Gutt. p. 13. de tutel. c. 29. n. 4. contra Lamb. ibidem apud Garciam & quiparantem in eo casu maritum tutori,

4. Quartò: dum patronatus est annexus bonis uxoris ab ea marito datis in dotem, jus patronatus & præsentare durante matrimonio spectat ad solum maritum; quia cùm non solum fructus, sed etiam dominium rerum dotalium, saltē civile & juristicione, transcat, & sit penes maritum, juxta l. Doce derei vend. & l. cùm dotem. c. de jure dotium, citatas à Pirk. & juxta doctrinam glossa communiter recepta in l. in rebus. c. eod. v. naturali, quam sequitur Bartol. n. 3. & Bald. n. 6. apud Castrop. n. 28. (quod idem fuit disputatum vide apud Garc. à n. 147.) non solum fructus, qui commodatatem pretio astimabilem ad onera matrimonii sustinenda præstant, sed & alii omnes ad eum pertinere debent; cùm de jure civili maritus ad solutę censeatur Dominus in ordine ad omnes effectus, præterquam in jure exceptos, inter quos non est juspatronatus: atque ita juspatronatus non per se, sed accessoriè cum donacione sive vero & naturali, sive civili tantum cùmque universitate rerum dotalium ac juriū transit in maritum; Unde jam verum non est, quod tradit Lamb. p. 3. l. 2. q. 6. art. 3. n. 8. incoharenter ad ea, quæ tradiderat p. 2. l. 1. q. 10. art. 2. juspatronatus in mari- tum transire cum universitate in dotem datā; ni-

mirum

# Sectio I. Caput I.

34

mirum posse etiam uxorem praesentare, ac locum esse præventioni inter virum ac uxorem, & uno praesentante, alium non posse illum impedire, etiam in variatione; in dubio tamen prævalere præsentationem uxoris; ita docent Laym. loc. cit. Pirh. cit. n. 17. Zoësius h. tit. n. 36. Garc. n. 177. citans Gutt. ubi ante n. 3. Rebuff. de nominat. q. 17. n. 5. Roch. v. ipse v. q. 28. Tiraq. post leges conub. gl. ult. n. 5. item Molin. de primog. l. 1. c. 24. n. 3. contra Abb. in l. fin. de concess. prob. n. 8. But. Imol. ibidem. Felin. in c. cum olim. de major. & Abba. n. 2. Azor. p. 2. l. 6. c. 21. q. 16. & alios apud Garciam & Baëzam de decima tutorum c. 23. n. 30. contrario nixos fundamento; nimur quod mari-  
tus non sit Dominus dotis, sed uxor, juxta l. in com-  
munibus. c. de jure dotum. Et esto, Dominus sit & ad-  
ministrator bonorum dotalium, & ipsi debeantur  
eorum fructus & commoditas, id tamen intelligendu-  
m de instantium commoditatibus, quae ad  
onera matrimonii sustinenda conferre posunt; ad  
hunc enim finem confertur dos; iura autem patrona-  
tus ad id servire nequeunt. Medium viam ingre-  
ditur Castrop. n. 29. ex Covar. pract. q. c. 28. per to-  
rum; dum ait, si bona in dotem dentur astiti-  
mationem, quæ facit emptionem (quando autem hoc  
contingat vide apud Covar. ibidem) marito, non uxori  
competit patronatus & præsentare; quia eorum  
bonorum maritus sit Dominus, neque tenetur solu-  
to matrimonio ea reddere, sed tantum eorum astiti-  
mationem; si autem bona data sic astitiata non sint,  
probabilis maritum illorum non habere dominium,  
neque iura patronatus, sed solum habet isto-  
rum bonorum administrationem pro matrimonii  
oneribus sustinendis, adeoque non patronatum.

**Questio 74.** Num illegitimo & maxime spu-  
rio, aut etiam irregulari competere possit jus  
patronatus, & præsentare.

R. Espondeo affirmativè: Azor. cit. cap. 21. qu. 25.  
Roch. v. competens q. 2. Castrop. n. 24. Pirh. n. 19.  
possunt enim tales fundare, dotare ecclesiam; cui  
libet fundanti ecclesiam absque ulla exceptione  
conceditur patronatus. c. plementis. c. quicunque. c. 6.  
q. 7. item potest castrum, cui annexus patronatus,  
emere vel donatione aut legato accipere. Nec ob-  
stat tales esse incapaces beneficiorum & pensionis ecclæ-  
siasticæ; quia hæc requirunt ordinem, & solum cle-  
rico communicantur; patronatus autem etiam laico  
competit. Neque obstat, inhabiles esse ad officia  
publica; quia juris patronatus exercitium non est  
officium publicum, sed privatum, ut Azor. loc. cit.  
q. 17. neque semper exercendum, sed cum benefi-  
cium vacat Castrop. cit. n. 24.

**Questio 75.** An & qualiter excommunicata  
tus sit capax juris patronatus & præsentan-  
di?

1. R. Espondeo primò: etsi excommunicatus ex-  
communicatione maiore non amittat juspa-  
tronatus ante excommunicationem habitum; ejus  
tamen usu & exercitio privatur, donec fuerit abso-  
lutos. Pirh. n. 21. ex Azor. cit. c. 21. q. 9.

2. R. Espondeo secundo: potest etiam Episcopus  
consentire ut excommunicatus toleratus, & non vi-  
tandus, adificando ecclesiam acquirat juspatrona-  
tus; etsi exercitium illius non habebit ante absolu-  
tionem. Pirh. ibidem. citans Jo. And. in c. nobis h. t. n. 3.

3. R. Espondeo tertio: prælatus excommunicatus  
adificans vel dotans ecclesiam indubitate juspatro-  
natūs acquirit ecclesiæ vel monasterio. Pirh. ibidem.

4. R. Espondeo quartò: patronus excommunicatus, sive laicus, sive Ecclesiasticus, sive vitandus, sive non vitandus, licet præsentare non potest juxta Pirh. ibidem. Barb. juris Eccle. l. 3. c. 12. num. 162. citans Garc. p. 5. c. 4. n. 307. ubi tamen is de hoc nihil; sed quod ei in hoc nullus factus favor per extray, ad evi-  
tanda;

3. cetero autem excommunicato prohibi-  
tum sit omne exercitium & usus juris Ecclesiastici.

5. R. Espondeo quintò: excommunicatus vitandus  
ne quidem valide præsentare potest, ita ut instru-  
tio ab Episcopo facta ad præsentationem talis pa-  
tronii sit irrita, Pirh. citans Covar. in c. alma. Barb.  
verò loc. cit. abstrahens à vitando & non vitando, ad-  
mittit, patronum laicum excommunicatum posse  
præsentare validè, non verò ecclesiasticum, citare  
pro hoc Sayr. de cens. l. 2. c. 6. n. 7. contra Suarez, loco  
paulo post citando n. 31. sic patronum laicum excom-  
municatum publicum, modò denunciatus non sit,  
præsentare validè docet Garc. p. 5. c. 4. n. 317. citans  
Zoësius de jure patratus v. competens. q. 8. num. 22.

Rebuff. tit. de excom. non vitand. Gomes. de expedit. nu-  
60. Zerol. in princ. p. 1. v. beneficia §. 5. Sayr. de cens. l. 2.  
c. 6. n. 8. &c. contra Lamb. p. 1. l. 2. q. 2. art. 2. & 3. n. 9.

Covar. Chock, &c. hoc nixos fundamento, quod  
præsentatus incurrit excommunicationem com-  
municando cum patrono excommunicato, quod  
falsum est, quia non est necessaria talis communica-  
tio in præsentatione; insuper absolvit potest ante in-  
stitutionem, nec communicando cum excom-  
municato incurrit excommunicatione, nisi is sit de-  
nunciatus, vel etiam notorius clerici percussor.  
Gar. n. 318. verum tamen, ut subdit Garc. n. 319. po-  
test Episcopus non admittere præsentationem à ta-  
li laico factam, cum is male faciat præsentando, li-  
cer non sit denunciatus, & si alias intra tempus da-  
tum non præsentaret legitimè, daretur devolutio,  
ut Suar. to. 5. de cens. D. 14. §. 2. n. 8. facta tamen semel  
scienter, sive etiam ignoranter admisit tali præsen-  
tatione, tenetur præsentatum admittere; cum præ-  
sentatio patroni laici excommunicati publici sit  
valida, adeoque ex ea jus aliquod quæsumum  
præsentato; quod verò docet Garc. loc. cit. n. 316. contra  
Suar. l. c. n. 31. invalidam esse præsentationem factam  
à patrono ecclæsiastico excommunicato etiam oc-  
culto, dum is jure singulari & ratione officii priva-  
ti præsentat, non subsistit ex dicendis de collatione,  
qua vide.

6. R. Espondeo sexto: excommunicatus non vi-  
tandus seu toleratus, etsi obligari non possit Epis-  
copum ad acceptandum præsentationem à se fa-  
ctam (cum quantum communicare cum tali excom-  
municato liceat, nemo tamen ad id obligetur;  
acceptatio autem præsentationis sit quædam commu-  
nicatio cum patrono excommunicato) potest tam-  
en Episcopus eam admittere validè, & licet;  
quia non tenetur vitare talem excommunicationem.  
Pirh. ibidem citans Suar. d. 14. de cens. f. 2. n. 30.

7. R. Espondeo septimo: denique excommunicato,  
etiam vitando, non currit tempus ad præsen-  
tandum præscriptum, si is non sit in mora petenda  
absolutionis; quia tunc censetur legitimè impedi-  
tus; secus, si excommunicatus sit in mora legitimè  
præsentandi, quatenus est in mora tollendi hoc im-  
pedimentum per petitionem & obtentionem ab-  
solutionis; tunc enim Episcopus, evoluto tempore  
dato ad præsentandum, liberè potest conferre tale  
beneficium. Pirh. n. 22. citans Zoësius l. 2. n. 58. por-  
tò ait Pirh. cit. n. 21. in fine, præsentationem in jure  
equi-

valere electioni, ita ut quæ de hoc statuta sunt, plerumque etiam locum habeant in præsentatione secundum Gloss. in c. ultim. de elec. in 6. v. electione. vide proinde defuper dicta quoad excommunicatos, aliæ censurâ Ecclesiasticâ irretitos.

**Quæstio 76.** An possessor jurispatronatus, cui verè dominium illius non competit, obtineat iura patronatus, etiam post contestatam litem, intellige, motam super ipsum jurispatronatus, seu proprietatem jurispatronatus, & non super possessionem?

**R** Espondeo ad primum affirmativè; dum est possessor bona fidei (qualis erit, dum probabilibus fundamentis credit patronatum sibi debet). Castrop. n. 25. Azor. cit. q. 17. ex Abb. in c. consultationibus. b. t.) secus si malæ fidei; ita expressè cit. c. consult. Gonz. ad reg. mens. gl. 25. n. 6. cum communis, fructus enim rei debentur possessori bona fidei. r. gravi de ref. spoliat. fructus autem jurispatronatus sunt præsentare clericum, honorificum locum tenere, &c. Et procedit id à fortiori, si dicatur cum Abb. Gonz. Azor. l. cit. præsentationem non esse tam fructum naturale, quām industria, ex eo, quod patronus industria apponere debeat, ut persona idonea nominetur, & intra tempore sibi concessum; cùm fructus industrialis in omnibus sententiis debeantur possessori bona fidei; Castrop. ibidem ex Covar. v. refol. l. c. 10. n. 16. Unde jam præsentatus à tali, si aliud nihil obsteret, est instituendus, & est præsentatio valida, & nullatenus annullanda, etiam postquam confiterit, jurispatronatus spectare ad alium, etiamsi dicatur, præsentare esse fructum naturale, nam possessor bona fidei non teneret fructus naturales bonâ fidei consumptos restituere, nisi ex illis factus sit ditor; facta autem præsentatione jam ille fructus jurispatronatus consumitur, neque patronus factus est ex illo ditor. Castrop. loc. cit. citans Abb. in c. consultation. in fine. Laym. ad c. querela de elec. n. 2. Corrad. l. c. 6. n. 360.

2. Respondet ad secundum negativè Gl. in c. cùm venissent. de in integr. restit. cui consentire videtur Laym. loc. cit. ed quod, licet possessori fidei debeantur fructus rei post item contestatam, seu lite pendente, quoisque ea definitur, ipse tamen eos accipiat sub obligatione restituendi vero Domino, si causa cadat. Jam verò hanc obligationem subire nequeat possessor jurispatronatus; cùm facta præsentatio, & institutione securâ, hæc revocari nequeat; & licet præsentatio revocari posset non securâ institutione; cùm tamen præsentatio ordinetur ad institutionem, illa lite pendente inutiliter fieret, si lite pendente institui nequit præsentatus. Contrarium tamen tenet Castrop. loc. cit. Abb. in c. ex literis. b. t. n. 7. & 8. Azor. loc. cit. q. 18. ed quod, dum possessor jurispatronatus facta præsentatio cadit causa, possit adhuc facere restitutionem, habendo cassam præsentationem à se factam, quæ non præterea fit inutiliter; quod autem non sequatur institutione, sed sufficiat eam sequitur finitam; quin &, cùm sequi possit lite adhuc pendente, institutione, esto, hæc sit irrevocabilis; id enim favore Ecclesiæ conceditur, ne ob litium longitudinem vacet diutius in super hujusmodi fructus, cùm non consistat in commido pecuniariorum, esto, possessor bona fidei alios fructus restituere teneatur, non videatur ad hujus fructus restitutionem obligari.

**Quæstio 77.** An, & qualiter jus præsentandi ad prælaturas Ecclesiæ conventualium aut collegiatarum haberi possit per laicos?

**R** Espondeo: id nequaquam iis competere, de quo dictum satis suprà, nisi forte de speciali privilegio Papæ, quâ ratione id competit regibus Hispaniarum. Laym. ad c. nullus. de elec. n. 14. & videtur ei in concilio Tolet. 12. c. 6. item regibus Galliæ concessa potestas Episcopos alioisque prælatos nominandi & præsentandi summo Pontifici, ut videtur est in Concil. Lateran. sub Leone X. sess. 11. in Epistola ipsius Leonis, cuius initium primitiva. Item regibus Poloniæ, de quo Laym. ad c. si archiepiscopus, de temp. ordin.

## PARAGRAPHVS V.

Qualiter jurispatronatus probari debeat, & de eo constare, ut quis admittatur ad præsentandum.

**Quæstio 78.** Quotuplex sit probatio jurispatronatus in genere, hoc est tam ex privilegio, quam ex jure communi habiti.

**R** Espondeo duplex: una vera seu irrefragabilis; quando exhibetur publicum instrumentum, si vel privilegii sive fundationis. Altera præsumpta, & nihilominus legitima, quæ assertur ex immemoriali quasi possessione & præscriptione; cùm minor non sit virtus præscriptionis in nascendo domino, quām traditionis procedentis à vero Domino juxta l. traditionis. C. de pacis Lott. l. 2. q. 7. n. 27. & seq. citans Feder. de Senis conf. 234. n. 1. Paul. de Citad. tr. de jurep. 3. p. causa 5. n. 1. & 26.

**Quæstio 79.** Quot modis probetur, & probandum sit jure novo Tridentini jurispatronatus quod ad proprietatem; de quasi possessione enim queritur postmodum, &c.

**R** Espondeo: ususpatronatus privatorum, in quibus regulariter non præsumitur usurpatio, probandum tribus modis; nimis vel ostendendo titulum ex fundatione, vel dotatione per authentica documenta, & alia à jure requisita vel per multiplicatas longissimo temporis cursu, qui hominum memoriam excedat, præsentationes vel alias secundum juris dispositionem.

2. Jus verò patronatus in iis personis, in quibus id jus plerumque ex usurpatione potius quæsumum præsumi solet, quales sunt personæ potentes, communites, vel universitates, pleniorum & exactiorum ad doceandum verum titulum requirit probationem, nec immemorialis temporis probatio alter ei suffragatur, quām si præter reliqua ad eam communia præsentationes, etiam continuæ, non minori saltu, quām 50. annorum spatio, quæ omnes effectum fortis sint, authenticis scripturis probentur, ita expressè decernit Trid. sess. 25. c. 9. ex quibus vides concilium quod ad modum & formam probandi jurispatronatus privatorum nihil innovasse; ideoque proceditur cum regulis generalibus juris communis; quibus attentis; ubi constat de explicito.